

咫園叢書

下

官閣消寒集序

乾隆丁酉冬予爲通政司副使職事清簡暇輒與錢閣學瑋石朱竹君翁覃溪陸耳山三學士曹中允習庵程編修魚門舉消寒文酒之會會自七八人至二十餘人詩自古今體至聯句詩餘歲率一舉都下指爲盛事辛丑予居憂歸里習庵寄所刻消寒聯句詩來則舊作在焉予旣以不文之詞自媿而又以附名其間爲幸良以予輩遭際升平故得從容退食以文墨相娛戲雖遇沍寒凜冽之時而酒酣以往詞賦雜出如融風彩露熏熏熙熙後世攷詩以論世當不獨爲予輩幸且重爲海內

幸也今來西安道甫侍讀復示消寒之集則分題鬥韻  
略如予輩都下所爲蓋河間中丞一時風雅總持東南  
宿望英才半在幕府而竹嶼舍人復主席關中書院園  
林鐘鼓相與更唱迭和故其工若此夫西安四方冠蓋  
所衝節使之署文武兼資書疏填委疑若異于京卿之  
清簡而乃能從容文酒詩不拘體體不拘格往往馳騁  
上下出怪奇以相角勝殆少陵所云游泳和氣聲韻淺  
廣者歟讀是詩也區寓之隆平政事之易簡賓主之盛  
而能文皆於此稔之斯集雖小詎可忽諸今者秋將中  
矣或歲晚務閒從中丞後與諸君子唱于唱喝繼京雒

之舊游以續茲集其事不尤可幸歟時道甫以序見屬  
因爲道遭際之盛且寄示習庵于京師歲在癸卯八月  
上澣青浦王昶述庵書於寶慈書屋

上御青龍王殿觀劇得公賈燕喜氣  
因微服遊苑囿觀其新築計室多宏  
宏麗不與限人比  
之門城也雖蘇梁其準亦大可幸  
歎如華新以爲之

官閣消寒集

江寧 嚴長明 用晦

壬寅

十一月十七日集中丞靜寄園登澄觀臺望中南

積雪分韻得明字

檐聲斷昨夜曙色開前楹幽人罷盥濯澹泊無所營招  
邀赴高館身若白羽輕隔窻見南山百里光晶瑩明滅  
狀匪一可玩不可名幸餘萬瓦屋間以松竹青不然疑  
世上信有白玉京坐久銀海眩肌粟漸欲生歡言召佳  
釀皎若冰雪清得句上粉壁眼界增雙明以手戲拂拭

寒氣猶崢嶸

同作得山字

鎮洋畢沅饒衡

玉虛凝浩白一氣天銜山占年過小雪顚盼珠澤頽  
暮色作蒼雲綬綬布秦關太陰驅滕六三日不放閒  
攬衣升高臺縱心杳冥閒中南列銀屏紫府沉元鑲  
松深雲盡處微裊青煙鬟虛無想層闕霞骨阻飛攀  
祥翼灑襟袖恍惚仙京還仙京與人世萬象涵一環  
對此高寒景照予歡樂顏汜勝書可證盈尺望豈慳  
西土素瘠薄蓋藏計非嫻雖卜歲功稔終憂民力艱  
念茲時在抱敢曰殷痼瘝

二十六日集環香堂同賦庭中花木四首

蠟梅

眞蠟初移種檐間細著行幾時過小雪一樹恰斜陽索  
笑猶嬌額橫陳祇暗香可容安枕簟閒夢到昏黃

同作

長洲  
吳泰來 企晉

一樹蜂黃色凌寒映碧潭異香來雪北幽夢隔江南  
眠眠檀心暈微微磬口含折枝堪作供丈室對瞿曇

太倉  
王思濟 雨甘

眾芳搖落後一笑啟檀心春向梅前占香從菊後尋  
過秋寒漸悄籠月暈偏深可耐霜禽噪羅浮夢未沈

天竹

不信寒巖畔珠光照眼明帶霜梅作伴  
遊雪鳥頻驚窠石應同瘦衰顏欲借  
頰何因乘薄醉橫幅寫冬晴

同作

吳泰來

南國移佳植叢叢傍短籬翠筠原一色  
火齊忽交枝乍訝丹砂染翻疑紅豆垂  
天涯憐歲暮相伴有仙姿

陽湖

洪亮吉

穉存

簣簣影不同千點亦玲瓏秋實偏憐小  
春花欲讓紅拂闌朱粉暗映樹火星中  
自覺冬容淡移瓶插數叢

水仙

清湘遺韻在流盼覺心降拾翠春迢遞淩波影一雙情  
誰通玉軫嬌欲背銀缸鄉思何由慰屏間畫楚江

同作

吳泰來

誰解湘臯佩淩波冉冉來燈前移素影葉底透春荑  
怪石何年供銅瓶昨夜開無言成獨賞夢繞水雲隈

洪亮吉

海客歸無計江花見有情遙蹤同水國小草得仙名  
一種忘言契先春與目成簾疏莫遮卻新月影中橫

木瓜

誰會風人旨搏香慰杖藜清芬隨夢破黃色與眉齊悄

覺檀心暈曾同佛手攜明瓊何以報吟望轉悽迷

同作

吳泰來

搖落霜林候秋園碩果成移根傳洛水貢篚記宣城  
實貯金盤重香浮玉椀清報瓊虛有願遲暮不勝情

王思濟

團圓看未破佳種說宣州几研能相伴瓊瑤未足酬  
黃柑同色麗白定貯香幽藉爾成佳釀還堪汎碧甌  
十二月六日集石供軒席上同賦食品二首

鐵雀

小鳥乘風便飛飛徧野壕遠依關樹密寒傍隴雲高凍

解翻檐數癡曾喚客勞

延綬鎮志鐵雀卽半翅見披綿人鳴喚不已故一名半癡

脂自潤竊鐵趾空牢

鐵脚一名

石磧棲纔穩雲羅倏見遭競

鮮隨節候評直任兒曹霧尙蒙雕質霜猶點毳毛無因  
期化蛤空自鬪持螯臙豈同鴉炙斟應勝雉膏粦思和  
菹醬醉合引松醪菴菜經霜蓄燈花帶雪挑他鄉憐短  
翼六度記曾餐

同作

吳泰來

俊味來龍塞充庖品白殊翻飛憐半翅狼藉惜微軀  
叢薄連晨集空倉入夜呼何人施弱斂幾輩墮圓筴  
縛向銀沙得攜來玉饌俱食單傳臠腊方法紀臍胸

洵足侔雞臠無勞議蟹胥雉膏堪比潔鴉炙總非腴  
化蛤思淪水銜花憶入廚自從供匕箸不復搶枋榆  
無事銘讒鼎終宜付酒爐東風先破臘好共飲屠蘇

銀魚

寒信長河緊霜條幾隊輸珍寧誇丙穴貴不數丁沽渾  
水雙流接輕冰一面鋪朔風吹欲上高浪擁疑無傍石  
花猶唼府谷縣志銀魚唼石上花一名石花魚爲笱竹已刳柳條間尙貫

荇帶冷還紆不藉刀砧觸微教粉麪俱照嫌銀燭淡盛  
愛玉盤腴雪色凝杯面川光溢座隅鱮薑空論蜀鮭菜  
漫思吳斫鱠圖應擅烹鮮理不殊笑他歌百一祇自解

焚枯

同作

吳泰來

鶯脰湖邊路年年放艇回綠簑衝雨去白小掀波來  
潏灑傾筐滿繽紛入網堆冰條垂細細雪色映皚皚  
半雜溪邊荇輕粘水面苔由來誇俊品未可棄凡材  
杜詩小魚凡  
材盡卻棄鱸許蓴羹並珍宜蝦菜陪何須供大嚼  
自足佐春醅鄉味尋難得離懷撥不開空憐親玉箸  
聊復倒金罍夢繞東西崦詩吟大小洞元真思舊隱  
鷗鷺莫驚猜

十二月十九日爲蘇文忠公生辰中丞集同人設

官閣滄寒集 五  
祀終南仙館賦詩紀事卽題陳洪綬畫像之後

蘭陵夢裏吟聲絕

夢中寄朱行中詩爲公絕筆

精爽飛空作明月清

光下照七百年令我轉溯哉生前丙子之冬月建丑奎

宿垂芒亘天久降神應會蓋有由磨蝎胡爲命宮守豈

知謫墮天所令

平

厄公遇正成公名三言奏御見忠愛

卅載外出空忤營徐黃猶是中原地更遣流離到荒裔

去國難爲謬謬心投荒豈是朝廷意儋廉九死始一回

買田陽羨空徘徊迄今祠宇半天下瓣香致語知誰哉

河間中丞今玉局政事文章兩無匹傳神阿堵得章侯

特補龍眠舊時筆

像有李公麟畫石在眉州祠內今已剝落

佛說眞應

去有

二身思公嗜好如公存  
糝羹晶飯豈堪飫  
花猪竹脚須重陳  
中山松醪近希有三爵  
但傾真一酒感公身世讀  
公書尙友私忱公鑒否  
聞公押衙紫府忙  
幾時人世來翱翔御風騎  
氣倘過此應喜再見秦張黃

原作

畢沅

奎星降精紗縠宅墮地  
雲霞化硯石七百年前今夕  
是何夕玉京仙人淪謫人間作詞客  
人間塵劫幾迴掄後生思公如公存  
巫陽披髮招吟魂靈衣玉劒棲我終  
南仙館之明軒終南峩峩終古峙  
南山不平公不死酌酒壽公公色喜  
滿堂盡是詩弟子予生總角

時母氏口授一卷東坡詩卷端笠屐圖公姿飲食必  
以祝卅年嚮往之蘇門門戶窺者誰末學鑽死蚯蚓  
竅壇坫反借公爲尸予不識公頻夢公指點詩法啟  
瞶矇公詩淵源騷與風風燈霜鬢多專功老蓮貌公  
筆力工飄然鶴筆長鬚翁畫中夢中神明通消寒近  
什盈詩筒執卷請益如兒童冰天雪地照公濶達高  
朗之心胸秦關亦公舊遊處岐下山川今卽古紅亭  
宛在東湖中想像當年燕游所桃花三月覆新祠展  
拜昔同嚴道甫

東湖有先生祠堂故址余于乙未歲重輯與道甫游

覽賦詩刻石

白西南作霖雨公前請封後及予

鄆縣太白山神先生曾請封公爵後